


BIBLIOTEKA


Zakł. Nar. im. Ossolińskich

XVII

656









EPITHALAMIVM

IN NUPTIAS

NOBILIS ET EXCELLENTIS

VIRI, D. IACOBI ARNOTTI SCOTI

Medicinæ Doctoris peritissimi

Nec non

HONESTISSIMÆ ET PVDI-

CISSIMÆ VIRGINIS DIANÆ

SIENKIEWICIAE, IOSEPHI SIENKIE-

wicij viri clarissimi & perillustri Ciuitatis Vilnensis

Ciuis primarij, filia, Vilnæ celebratas.

A

PATRICIO ABIRCRVMBEO

SCOTO EIVSDEM SPONSI

NEPOTE, GRATI ANIMI

testificationis ergo, scriptũ &

oblatus.

6

VILNÆ,

Apud Ioannem Karcanum, Anno D. 1609.



# N V N C V P A T O R I V M .

**O**Rpheus Eurydicen sibi fadere iunxit vt arcto  
 Connubij, est varijs dotibus auctus Hymen.  
 Certauere suo donaria pandere Vati  
 Auriuaga volucres quadrupedumq; genus.  
 Blandisoni memores meleos nemorisq; canori  
 Vectigal merita contribuere lyra,  
 Ipsæ etiam cautes choreas agitasse feruntur.  
 Dum Citharam genitor mouit Apollo suam.  
 Ipsa etiam genitrix sacra connubialia Nati  
 Atq; suum ornauit Calliopea Nurum  
 Hæc dienkwiciam tibi docte Iacobe Dianam  
 Iure maritali lux Hymenæa iugat.  
 Nulla tibi genitor, genitrix fert munera nulla  
 Hunc mors, hanc regio disita ferre vetat.  
 Interea volucres tibi verno carmine plaudunt  
 Ac decorant epulum connubiale feræ  
 Spontè tibi fundit reuirementia germina tellus  
 Et florum varias dat Zephyritis opes.  
 Experiens es vt Herbarum, Medice optime, vires  
 Se tuto in thalamum flos dat & herba tuum.  
 Sed nec Apollo suo, tibi abest, medicator alumno:  
 Illius nec abest casta Diana soror.  
 Ille fide Aonias mouet ad tua festa Camœnas.  
 Ad choreas Dryadum concitat ista chorum.

Laudis

XVII - 656

Laudibus ille suum numerosis ornat alumnus,  
Carmine Dianam comit & illa suam,  
Neu de gente, domouie tua, nullum esse querare,  
Sume tui placidus tenue Nepotis opus.  
Tenue Nepotis opus, tamen in quo clara tuorum  
Mentio maiorum fit celebrisq; domus.  
Omnibus ut placeam, ( tibi fat ) nec spero nec opto,  
Sors hæc Orphææ contigit vna lyrae.

### ARNODIA NEOGNAMICA.

Non Citherea canam laudatæ præmia formæ  
Laomedontæo iuueni data, plena pericli,  
Plena sed exitij, docuit velut exitus <sup>ingens</sup>  
Ingentis patriæ, Doapum quæ passa decenne  
Obsidium; ruit excidio: concidit in ignes.  
Arte tuâ, tua Phœbe canam, placidissima dona,  
Stat quibus Arnottum tibi condecorare iacobum,  
Morborum domitrix, Phœbæa scientia clarum  
Quem facit in Lithauis, patriæ quas antehabet oris,  
Doctor hic Arnottus mihi carmen auunculus esto,  
Quamq; thori sociam sibi iungit eburna Diana  
Phæbe faue tua visa, tuâ dum pace rec ludo,  
Arte tuâ, teq; ore refert Arnottus honoro  
Nomine & oris honore tuam Diana sororem,  
Ver erat, ut Phœbus Phrixæo vellere fulgens,  
Vidit ab Acropoli vlnæi in vertice montis,

Regia magnifice renouata nitescere tectas  
Tecta Polonorum Suecanorumq; Monarchæ  
Regificis reparata opibus; propè Delia fratrem  
Lassula venatum, Nymphis plaudentibus infra,  
Et faciles choreas melos & modulabile, sedit.  
Cuncta Gedrotiadæ vidi hæc e' Præfulis aula,  
Seminij Samogitiacæq; altrice iuuentæ,  
Vilnensi quam Vilna fluens dispexit ab arce,  
Vilna petens Viliam iunctæ cognominis vrbi.  
Multa hîc inter se vario sermone serebant,  
Virgo potens nemorum, medicorum & præses Apollo.  
Artificis canit illa manus, laudatq; fabrorum  
Ingenium, spolijs nemorum laterumq; paratu,  
Condere qui norint, & edaci tempora lapsa  
Arte pari norint reparare palatia regum,  
Præstare & quicquid terit inuidiosa vetustas.  
Phœbus adhæc; sunt hæc soror; est sua gloria fabris  
Non tenuis: labor est operosus; & ipse laboris  
Ingens, qua patet hæc tellus habitabilis, vsus.  
Coctilis est muri, nemoralis & arboris ingens  
Commoditas homini: nec ei laze & arce latenti  
Officit hostis atrox, nec obest iniuria cœli.  
Ars mea sed maior. Mea sunt inuenta sed omni  
Commodiora homini, quibus integrat ille salutem  
Tabæ fatescentum, quibus & sibi prorogat æuum,

Bludens



Illudens avidis abrumperè licia Parcis.  
Scilicet est medicina meum cœleste repertum.  
Herbipotens opifer dicor : medicæq; peritos  
Artis ubiq; viros Phœbeia corcula dico.  
Accumuloq; meæ cultoribus artis honorum,  
Qua pollens HOMINI DEVS est homo : muneris auctor  
Quo vix maius in orbe dabit, qui cuncta dat orbis.  
Seu reuocanda salus homini sit, siue tuenda,  
Omnibus ars valet illa locis, valet omnibus horis,  
Carnifices morbos, & atrocìa fata repellens.  
Principibus placet ergo viris, mundiq; Monarchis  
Arte potens vir Apollinea, gnarusq; medendi.  
Legibus & medici parent, quibus omnia parent.  
Qui maria & terras frænant populosq; potentes,  
Subijciunt Medicis se sponte salutis amore.  
Non hic Pæonios lubet enumerare magistros,  
Quos vel Sigismundi fouet inclyta regia terræ,  
Quos vel in Europes alijs clarescere regnis,  
Et video & lætor. Mihi non indictus abibit,  
Non indonatus, ( quando me Pergama Vilnæ  
Clara tenent ) medicus quo gaudent Pergama Vilnæ.  
Huius & ante alios, Benedictus Episcopus vrbis,  
Woynarum decus, ac Lithauæ facer vnio gentis,  
Gaudet eo, gaudetq; eius sæpè arte salubri.  
Nobilis Hectoreo Scotorum sanguine cretus,

Nempè Iacobus hic Arnottus cognomine dictus,  
Quem generosa domus genuit Wydmillia, fouit  
Maiorum virtus tenerisq; eduxit ab annis,  
Quem Clariae artis amor doctrinarumq; cupido,  
Et patriæ fines prædulcem & vtrumq; parentem  
Cognatamq; domum, mox pubescente sub æuo  
Linquere, & immensum maris æquor arare coegit,  
Ergo Borusiacis superis Zephyrisq; secundis  
Tyro Camænarum, peregrinus hic appulit oris,  
Passarides Musæ mox Brunoricumq; Lycæum  
Appulsum accipiunt docta pietate colendum  
Doctrinaq; pia, qua noxa & noxius error  
Mentis abactus erat patefactaq; pectora luci,  
Hic sat in Aonia sudasset vt ille palæstra,  
More Periclaeo didicisset & ore sonare,  
Seu fando iaceret Latium, seu fulmen Achiuum,  
Has vt adurgeret grauioribus artibus artes  
Italiam petijt, sanctum caput orbis adiuit  
Pontificum augustam, Petro ab ipso principe sedem,  
Quos penes est animas Christo frænare dicatas  
Hic Sophiæ campos lustrauit amænâq; Tempe,  
Lustratus causas alta caligine mersas:  
Naturæ rimatus opes, penitosq; recessus:  
Vnde tot ingenij bona non moritura parauit,  
Tot doctrinarum gazas, quas vnda nec ignis

Conui-

Contiolare queunt neq; compilare latrones,  
His Latijs opibus ditatus & arte Sophorum,  
Tybride posthabito, Samogitica venit in arua,  
Quem, simul agnovit cano venerabilis ævo  
Sacrorum antistes, quo non vigilantior alter  
Nec virtute prior, Litauī stirps prima ducatus,  
Melchior, ille Gedrotiacæ lux clara propagis,  
Laus patriæ, columen regni, lumenq; Senacli,  
Portus egenorum, peregrinorumq; receptus,  
Accipiens in eum mentemq; animumq; paternum,  
Fouit, & hospitium mensamq; indulxit herilem,  
Arcanos solicus calamo eius credere sensus,  
Raræ animi dotes, morumq; probata venustas,  
Cunctanti dederant Herois amore potiri,  
Quantus amor? quæ munificentia Præfulis huius  
Vidit vt ingenium genitum ad maiora Iacobi,  
Non sine mente mea tacite stimulantis vtrumq;  
Impensas illi numerans, Antenoris urbem  
Ac Pataui celebres proficisci suasit Athenas,  
Quas nuper largo Vlnaci Præfulis ære  
Alter vt arte mea catus instruat adiuu  
Saxonie Alcida quo non vel Apolline teste  
Paonides Italis præstantior alter in oris,  
Hic modo gnauam operam dat Fabricioq; docente  
Quos o vos memorem Litauī duo sidera cœli,

Pontia

Pontifices duo: tam tenere qui semper amastis  
Artium amatores, per quas Respublica floret  
Vita quibus regitur, quibus altera vita paratur.  
Si quid A ppolinea virtutis in arte, duobus  
Vobis hæc Pylios vitam producet in annos.  
Quamq; Arnottus habet medicarum industriarum,  
( Namq; potestates herbarum vsumq; medendi  
Ille scit, & meruit doctorum in signe viorum,  
Hercule Saxonia caput impediente, coronam )  
Sollicite vestrum deseruiat omnis vtriq;  
Neu quandoq; soli velit hic natalis amore,  
Linquere Sarmatiam Litauisq; excedet terris.  
Effectum dabo, consilijs germana iurabit,  
Scotia vt ex animis abeat, dabo loton edendam,  
Hic sibi Lethæum potasse videbitur amnem.  
Ni qua tibi via commodior ratione probetur;  
O soror, hic medicum remorandi in plurima iustra.  
Ne desit qui morbis fugas percalleat artes,  
Quiq; Machaonia flendos ope mulceat artus.  
Qui prælustre genus Fernæo à sanguine ducit,  
Hunc repetit genitrix, caro viduata marito  
Ioanne Arnotto, quem magnum herosa, Baronem  
A wydmill vita, ante diem, flet Scotia raptum.  
Wymsius hunc repetit: repetit Pitcairnius heros,  
Doctori Arnotto consanguinitate propinqui

Theſeis in eumq; animis & amore paterno  
Sex illum ſociæ generis, generiq; ſorum  
Nobilibus tædis thalamorum & fædere claris  
In patriam reuocant lacrymis, miſſisq; tabellis  
Flent deſiderio ſuſpiriaq; anxia ducunt,  
Fraterni reditus neq; mente fidelior ægra  
Sperauit lenti reditus Eumæus Ulyſis,  
Tot neq; vota ſuo ſoluit reor, Icaris vxor  
Pro tardè remorante viro, quòt amara, tot annos  
Pro nato genitrix, pro fratre dedere ſorores  
Vota, & in expleto manantia flumina fletu;  
Cum domo Abircrumbeorum, generoſa Baronum  
A Murthly domus hæc, auiam dat quippe paternam  
Doctori Arnotto: ſecum in lamenta trahebant  
Omnem panè Fifam, ditio celeberrima terræ,  
Si qua Caledoniæ, Fifa, gente & ſanguine floret  
Claro Arnottiadum: n̄ mis indignatur ademptum  
Eſſe ſibi hunc, æuumq; meas agitare per artes,  
Natali regione procul: rata pulchrius eſſe  
Hanc operam nauare ſuis, interq; Penatès  
Mirari patrios, maiorum inſignia geſta:  
Fortiaq; auſa ſequi: charos & ad arma Nepotes  
Exemplis eccire ſuis: vt & ipſe cieri  
Sat potuiſſet aui, proauumq; inſignibus auſis,  
Robur huic animi, dat nomen habere Roberti

Quem, quia nota fides, virtusq; probata, Monarcha  
Scotorum inuictus, geminis dedit esse Toparcham  
Arcibus. Hunc memor arx Dymbarton, laude sub astrâ  
Percelebrans, extollit adhuc, memoratq; sub ipso  
Præsidi, perdomitos, pulsosq; à mœnibus hostes.  
Sterlinum pariter, tutamine Præsidis huius  
Ac valida, se defensam virtute fatetur.  
Laudibus ex istis sibi nil fortuna, Roberto  
Omnia fert proauo, victam sese asserit vltro  
Hostibus euictis. Quid aut monumenta reuoluam  
Cuius adhuc meminit Faclondum nobile, vires  
Sylua relaxandis animis regalibus apta,  
Cui præerat. Celebrat simul huius Martia corda,  
Quam regie assidua fautrix aspergine Tethys,  
Crellia, & Herculeum pectus mirata, sepulchro  
Condidit eximio: ceu priscam ab origine gentem,  
Arnottorum ea pænè omnem conseruat humatam,  
Ora super tumulis & fortia facta virorum  
Ostentans, ea subiq; monens æquare nepotes.  
At quia par opus est, nisi me sententia fallit,  
Profligare hostes & atroces pellere morbos,  
Immo hoc maius opus: manibus quia scilicet hostes,  
Viribus ingenij morbi morteq; domantur.  
Degenerem arguerit nemo mihi iure Iacobum,  
Quin fortem hunc memorem, patrijs qui fortiter oris

Tam diuturnus abest, canæ pietatis & eius  
Relligionis amore prius quam Scotia semper,  
Expertem erroris, certamq; salutis, amatat,  
Quam prius Helueticæ noua scisciret orgia Sphyngris,  
Ditatis gryphis, & inani ænigmate lusa.  
Sed non Propatrum mouit noua secta Iacobi  
Pontificem hunc florens regio Calouidia nouit  
Constanter tuitusq; pedum, bifidamq; coronam,  
Romanamq; fidem, pronepos imitanda Iacobus  
Tanti exempla viri rara pietate sequutus.  
Dignus ob id Litauis quem confoueamus in oris.  
O germana modum caussamq; effinge morandi.  
Tunc sic orsa Diana loqui, si vera fatebor,  
O germane, vir hic tam nostrum vtriusq; fauorem  
Quam cuiusq; boni, virtute, vel arte, meretur.  
Dignus quem secum regio Lituana moretur.  
Relligionis amor validissima caussa morarum,  
Sed quia non solis pietas & numina diuûm  
Lituanis colitur, genus irresolubile vincli  
Huic plectendum: alia relegatur compede, quamam  
Hic rogat. Illa refert; qualem parat ipsa Proshymna,  
Et Cypris, & Cypridos fabricatur amata propago.  
Phœbus adhæc; soror, hoc equidem meditabar & ipsum,  
Sed quam sat dignam queat huic dare Vilna maritam?  
Mecum, ait illa, sit hic labor, hæc mea cura sit, hic me

Dignus erat, fateor, sed ineluctabile votum  
Me sed in occidui iuuat, vt sit, cura pudoris.  
Faxo tamen, factumq; puta, lætetur vt ille,  
Arnotus tuus, ille cliens vxore Diana.  
Suspicit arridens hic ora, fororis Apollo,  
Mitte iocos, inquit, tum: me germane iocari,  
Reddidit illa, putas, me seria rere loquutam.  
Arnotto iungam propriamq; dicabo Dianam.  
Vnica Vlnensi reperitur in vrbe Diana  
Nec formæ, nec stirpis egens. Genus illa: paternum  
De Lithalo, maternum Italo de sanguine ducit.  
Quis Sienkiewiczij, quis nomen in vrbe Moraris  
Nesciat, Euganeos super Adriacumq; leonem  
Tam decantatum, super Vrsæ Erymanthidos astra  
Nota fides vtriusq; domus, spectataq; virtus  
Per quam nobilitas & laus genuina paratur.  
Notaq; dexteritas parere & bona parta tueri.  
Natarum probitas decus horum insigne parentum.  
VIRGINEA & senior gaudet soror ANNA marito  
Pro numero Charicum, thalami sine lege super sunt  
Maxima quas inter magno focianda Iacobo.  
Iamq; fides, fideiq; index data dextera vtrinq;  
Se Ganymedæis tuus axis vt intulit astris  
Versus Hyperboreum reflectens effeda mundum  
Et rata pacta manent ritu firmanda iugali,

Solen



Solenniꝫ fide, sacra ara & flamine coram,  
Frater vbi quintam lucem referaris lūnij  
Solennem lucem sacram Triadiꝫ supremæ,  
Auspice quā ordiri læti solet ominis esse.  
O properato dies lætissimus infit Apollo  
Est iuuenum primis Hymenæis lunius aptus.  
Quam me sæpè latet, licet omnia pæne videntem  
Quam me sæpè latet latebris & in ossibus imis  
Incitus ignis amorꝫ hominum, quo mutua corda  
Sufflamant & coniugij noua fædera iungunt  
Tum soror harum equidem fueram bene conscia rerum  
Ad nutus Erycinna meos & Cinxia luno  
Arnotto hanc sociant, præstanti corpore Nympham  
Hanc ego præ reliquis vt amaui ita & hocce marito  
Dignandam volui, hanc ego suauiter ipsa, solutâ  
Matre, secundau partam, ipsa soloꝫ cadentem  
Excepi, fouiꝫ sinu, denomine nostro  
Nomen habere dedi, dixiꝫ; vocere Diana;  
Cresce viro, quem frater amet pater eius Apollo,  
In quo stirpis honos & opima scientia certant,  
Non huic lacteolasue genas, vel eburnea colla  
Comere cessauî, non crinem tingere amomo.  
Nec vanus labor; exiluit mihi dulcis imago,  
Suggestuꝫ comæ, frontisꝫ nitentis honore  
Villiadas premit ac præit hæc Diana puellas,

Quantum egomet vel Hamadriadas, vel Oreadas exsto.  
Huic morum probitas & gratia mixta pudori.  
Huius in ore Venus, prudenti in corde Minerua.  
Scilicet hæc operum tenuis studiosa Mineruæ,  
Observans vultus charæ, monitusq; parentis,  
Siue pijs velit illa operis impendere tempus,  
Siue ministerijs solitis domitiuè gerendæ.  
Fortunate virum pacta qui coniuge tali  
Post aliquot victor luces Arnotte fruæris.  
O properate dies Arnotto currite luces  
Phœbus ait, sit o hic fœlix Hymenæus alumno  
Ipse meos spargam radios Lituana per arua  
Mitius, vt vireant, vt eat formosior annus  
Dum formosa meo Diana iuganda Iacobo.  
Flent blandi Zephyri: reprimat sua flamina Caurus  
Ne teneræ lædant nitidissima brachia sponsæ,  
Arboribus redeant frondes, & gramina campis.  
Ante rosæta diem dent & violaria flores.  
Fronde noua domus vt decoretur & hostia sponsæ:  
Prata ferant herbas, frutices ferat hortus olentes.  
Fragret odorifero thalamus genialis anetho.  
Flore thorus vario, spargantur compita flore,  
Tempora flore nouo sponsæ comitumq; nitescant.  
Gaudeat ipse meam laurum subtexere myrto  
Sponsus, Acidalea. Quacunq; vel ipse vel ipsa.

Fert noua nupta gradum, rosa sit, roseumue prematur.  
Iamq; videre diem videor, qui conditus albo  
Vellere Parcarum, facer his tantis Hymenæis,  
Irradiabit huic longè lætissimus vrbi,  
Conuentu procerum eeleberrimus. Vndiq; cerno  
Compita compleri, ruere vndiq; Vatis ad ædem.  
Conspicor agniferæ tantæ ad spectacula pompæ,  
Nobile coniugum vbi par arcto adamante ligatur.  
En vocat æthereum supplex Symphonia flamen  
Ductilibusq; tubis, fidibusq; remissa canoris,  
Organicisq; modis; vox affonat omnibus vna.  
IACOBVM ARNOTTVM SIENKIEWICIAMQ. DIANAM  
IUNGAT IN ABRVPTIS <sup>concordia</sup> LONGA CATHENIS.  
Vix ea Phœbus, vbi excepit viridario in imo  
Nympharum chorus, huic modulos præeunte Diana.

### MELOS NYMPHARVM.

Dianam Charites dicite nubilem,  
Arnottum iuuenes dicite nobilem.

Casta est illa Dianæ,

Hic dilectus Apollini.

Vos gratam labijs, fronte, genis, coma

Addictamq; sacris ac timidam Dei:

Cuncti exemplar honesti:

Ad sceptrum genitam domus.

Vos

Vos vates totidem tollite laudibus  
Formam artemq; nitet, qua vir Apollinis,  
Insignemq; Baronum  
Scotorum celebri satu  
Æuum proroget his poscite Cinthius,  
Viuant Pæoniæ non opis indigi,  
Multâ prole secundet  
His Phæbi soror obstetrix.  
Morborum nocuas hic vir Erynnias  
Pestemq; à populo, & principibus vitis  
Pulsas Orcadas ultra  
Vestris motus aget choris,

ODARION AD S. S. TRINITATEM.

Svmme rex author thalami iugalis,  
Iunij nonæ tibi luce festa

Thus nouant, ac te, Deus o triformis  
Auspice iungunt.

Nobili Arnotto placidam Dianam

Sint o hæc faxis sacra Nuptiarum


Ominis fausti, facili & secundes

Ora fauore.

Patricius Abircrumbens  
Scotus.



8107  
23




2.

8107  

---

23





Skanowanie i opracowanie graficzne na CD-ROM :



ul. Krzemowa 1

62-002 Suchy Las

[www.digital-center.pl](http://www.digital-center.pl)

[biuro@digital-center.pl](mailto:biuro@digital-center.pl)

tel./fax (0-61) 665 82 72

tel./fax (0-61) 665 82 82

**Wszelkie prawa producenta i właściciela zastrzeżone.**

**Kopiowanie, wypożyczenie, oraz publiczne odtwarzanie w całości lub we fragmentach zabronione.**

**All rights reserved. Unauthorized copying, reproduction, lending, public performance and broadcasting of the whole or fragments prohibited.**